



**Broj: T09 0 KTPO 0183385 24**  
**Sarajevo, 13.09.2024. godine**

**OPĆINSKI SUD U SARAJEVU**  
**Sudiji za prethodno saslušanje**  
**S A R A J E V O**

Na osnovu čl. 45. st. 2. tač. i) i čl. 241. st. 1. Zakona o krivičnom postupku FBiH, **p o d i ž e m**

**O P T U Ź N I C U**

**Protiv:**

1. **BEGOVIĆ OMER**, rođen 1961.godine, nastanjen u ulici ....., po zanimanju profesor tehničke kulture i magistar ekologije i okolišnog upravljanja, nezaposlen, oženjen, otac troje punoljetne djece, lošeg imovnog stanja, služio vojni rok 1980. godine u Visokom i Sarajevu, nema čin rezervnog vojnog starješine, vodi se u vojnoj evidenciji kod nadležnog organa Općina Novo Sarajevo, po narodnosti Ostali, državljanin BiH, JMB ....., **neosuđivan**,
2. **MACIĆ AZEMINA**, rođena 1984. godine, nastanjena u ulici ....., po zanimanju profesor pedagogije, zaposlena u O.Š. Hasan Kikić, udata, majka jednog mlđb djeteta, dobrog imovnog stanja, nije služila vojni rok, po narodnosti Bošnjakinja, državljanica BiH, JMB ....., **neosuđivana**,
3. **PAVLOVIĆ ENESA**, rođena 1963. godine, nastanjena u ulici ....., po zanimanju nastavnik predmetne nastave, zaposlena u O.Š. Grbavica I i O.Š. Pofalići, udata, majka dvoje punoljetne djece, srednjeg imovnog stanja, nije služila vojni rok, po narodnosti Bosanka, državljanica BiH, JMB ....., **neosuđivana**

**Što su:**

1. U periodu od 14.03.2018.godine do 28.08.2018.godine, u Sarajevu, Begović Omer kao odgovorna osoba u smislu člana 2. stav 6. KZ FBiH, direktor Javne ustanove O.Š.Grbavica I, svjestan i znajući da je S.A., uposlenik iste škole na radnom mjestu nastavnika tjelesnog i zdravstvenog odgoja, optužen za krivično djelo Bludne radnje iz člana 208. stav 2. u vezi stava 1. KZ F BiH, a za koje se može izreći kazna zatvora u trajanju od šest mjeseci do pet godina, te da se zbog istog krivičnog djela protiv imenovanog vodi krivični postupak pred Općinskim sudom u Sarajevu, također svjestan i znajući da je članom 92. stav 7. u vezi sa stavom 3. Zakona o osnovnom odgoju i obrazovanju KS (Sl.novine KS broj 23/17, 33/17, 30/19, 34/20, 33/21) obligatorno propisano da u slučaju kada je protiv člana nastavnog osoblja potvrđena optužnica za krivična djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više, osnovna škola je obavezna donijeti odluku o suspenziji tih lica iz nastavnog procesa do okončanja krivičnog postupka, te da je članom 150. Pravilnika o radu JU O.Š.Grbavica

I propisano da će se radnik protiv kojeg je pokrenut krivični postupak za krivično djelo počinjeno u vršenju službene dužnosti ili istražni postupak zbog krivičnog djela, udaljiti sa posla, kao i da odluku o tom udaljenju donosi direktor, htijući to, svjesno propustio obaviti svoju službenu dužnost i donijeti odluku o udaljenju sa posla zaposlenika S.A. u skladu sa članom 92. stav 7. u vezi sa stavom 3. Zakona o osnovnom odgoju i obrazovanju KS i članom 150. stav 1. i 3. Pravilnika o radu JU O.Š.Grbavica I, na koji način mu je pribavio korist u vidu nedonošenja odluke o suspenziji iz nastavnog procesa do okončanja krivičnog postupka i time nesmetanog obavljanja poslova radnog mjesta nastavnik tjelesnog i zdravstvenog odgoja u pomenutoj školi, odnosno korist u vidu prava koje mu ne pripada

2. Dana 14.12.2021.godine, u Sarajevu, Macić Azemina kao predsjednik i Pavlović Enesa kao član školskog odbora Javne ustanove Osnovna škola Grbavica I Sarajevo, odnosno kao odgovorne osobe u smislu člana 2. stav 6. KZ FBiH, odlučujući u svojstvu članova navedenog školskog odbora, koji su činili Macić Azemina kao predstavnik Ministarstva za odgoj i obrazovanje KS – predsjednik, Pavlović Enesa kao predstavnik radnika škole i A.K. kao predstavnik roditelja učenika škole, po zahtjevima zaposlenika iste škole S.A., podnesenim putem njegovog punomoćnika advokata A.N., dana 06.12.2021.godine i 14.12.2021.godine za odobravanje korištenja neplaćenog odsustva u trajanju od jedne godine, a radi tuđe njege i pomoći bliskom srodniku (paraplegičaru) u Švedskoj, te radi usavršavanja i obrazovanja u inostranstvu, svjesne da u skladu sa članom 13. stav 1. Pravilnika o izboru, nadležnostima i načinu rada školskih odbora osnovnih škola Kantona Sarajevo (Sl.novine KS broj 35/17) školski odbor osnovne škole kao javne ustanove broji četiri člana te da je školski odbor JU O.Š.Grbavica I u tom momentu imao imenovana tri člana, dok nije postojao imenovan član školskog odbora kao predstavnik opštine, prekoračile granice službenog ovlaštenja članova Školskog odbora koji u skladu sa članom 15. stav 3. Pravilnika o izboru, nadležnostima i načinu rada školskih odbora osnovnih škola Kantona Sarajevo (Sl.novine KS broj 35/17) i članom 38. stav 1. Poslovnika o radu školskog odbora broj ..... od 26.02.2021.godine odlučuje većinom od ukupnog broja članova i suprotno članu 124. stav 1. tačka b) Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (Sl Novine KS broj 36/20 i 32/21) i članu 80. stav 1. tačka b) Pravilnika o radu JU OŠ Grbavica I Sarajevo broj ..... od 30.10.2020.godine, što su i htjele i glasale da se po navedenim zahtjevima donese odluka o odobravanju istih iako zahtjevi nisu sadržavali činjenice i dokaze da se radi o članu uže porodice odnosno domaćinstva-supruzi, djetetu, bratu ili sestri bez roditelja do 26 godina starosti, koji se nalazi na redovnom školovanju ili nije u radnom odnosu, djetetu nesposobnom za rad, ili unuku koji nema roditelje, kako je to propisano pomenutim odredbama Kolektivnog ugovora i Pravilnika o radu, na koji način su djelujući u svojstvu školskog odbora sa dva glasa za i jednim glasom protiv, kako je glasao predstavnik roditelja učenika, dakle bez potrebne većine članova školskog odbora od najmanje tri glasa donijele odluku o odobravanju neplaćenog odsustva zaposleniku škole S.A. zbog odlaska u Švedsku radi pružanja njege bliskom srodniku u periodu od 14.12.2021.godine do 14.12.2022.godine, u vidu Rješenja broj ..... od 14.12.2021.godine, koje je potpisala Macić Azemina u svojstvu predsjednika školskog odbora, na koji način su S.A. pribavile korist u vidu prava koje mu ne pripada

**Dakle,** pod tačkom 1. Begović Omer, kao odgovorna osoba u Federaciji neobavivši svoju službenu dužnost drugom pribavio korist i

pod tačkom 2. Macić Azemina i Pavlović Enesa, kao odgovorne osobe u Federaciji, prekoračivši granice svog službenog ovlaštenja drugom pribavile korist

**Čime su** pod tačkom 1. Begović Omer počinio krivično djelo zloupotreba položaja ili ovlaštenja iz člana 383 stav 1 KZ FBiH i

pod tačkom 2. Macić Azemina i Pavlović Enesa počinile krivično djelo zloupotreba položaja ili ovlaštenja iz člana 383 stav 1 KZ FBiH u vezi sa čl.31. istog zakona

**Na osnovu člana 76. KZ FBiH, predlažemo da sud donese odluku kojom se**

1. prema **Begović Omeru** određuje sigurnosna mjera zabrane vršenja dužnosti odgovorne osobe i djelatnosti nastavnika u obrazovnoj ustanovi u trajanju od jedne godine,
2. prema **Maćić Azemini** određuje sigurnosna mjera zabrane vršenja funkcije u tijelima formiranim u vezi sa obrazovnim procesima u trajanju od jedne godine
3. prema **Pavlović Enesi** određuje sigurnosna mjera zabrane vršenja funkcije u tijelima formiranim u vezi sa obrazovnim procesima u trajanju od jedne godine

**KANTONALNI TUŽIOCI**